

## رغم التعب

رغم التعب والتناقض منزلك عالي  
لو كنت في خطوتك تكثر تعاريجك  
عنيد لكن عنادك حيل يحلالي  
ولو كان للعند تاج اعلنت تتويجك  
لكن ترفق وشوف وجيه عذالي  
تفرح، تأيد صدودك لي وتحجيجك  
يكفي تشوف بعيونك ثوبي البالي  
اللي تمزق تحت قسوة كرابيجك  
حزين رددت للاحزان موالى  
وانت اتغني فرح واسمع اهازيجك  
لازلت احبك ولكن وعدى الغالي  
لابد،،، اوقف دعاباتك وتهريجك  
وإن كنت مهر ولا روضك خيالي  
جيت وعلى جثتي عسفك وتسريجك

متعب التركي

## بسافر!!

يقول المحبه ويش لو غابوا الاحباب؟  
اقول الجسد من غير نبض وشعور وروح  
يقول النهار يغيب! وش موقفك لا غاب؟  
اقول ان رضيت اسكت يصير السكوت البوح  
يقول السترسمعه وذكر وفعل وثياب!  
اقول المحب من الوله والسهر مفضوح  
يقول انت قايل لي بسافر بدون عتاب؟!  
اقول ايه! قبل اضيع في وجهك المملوح!  
قبل تبدي الاعجاب وابادلک الاعجاب  
قبل تاخذ احساسى وقلبي عبث وتروح  
قبل ينفتح لك بين عوج الحنايا باب  
ويبقى على طاريك طول العمر مفتوح  
قبل لاتوهق فيك يا لصادق الكذاب  
قبل لاتحطم منك يا لمخيط المسموح  
قبل لاتعلقني وترحل بدون اسباب  
قبل لاتعلمني اعد السنين جروح!  
قبل يتبعك وانت تمادى جفا وغياب  
قصيدي ودمع عيوني وصوتي المبحوح!  
ياليت الزمن يرجع واحسب لجفاك حساب  
وعد ماتعلق فيك وانساك قبل تروح

محمد جارالله السهلي